

欽定大清會典事例

欽定大清會典事例卷一百二十四

吏部

處分例 提解人犯

提解人犯。○康熙九年題准。凡軍流徒罪發遣人犯。或應本省發配。或應解部發遣。均以部文到日為始。定限兩月起解。路途解送。每日定限五十里。如兩月內不速行發解者。罰俸一年。過一年者。降一級調用。未經行催之上司。罰俸半年。或將此等人犯。兩月內不行發解。以致獄斃者。降一級調用。未經行催之上司。罰俸一年。至

各省審結案內應行解部之入官人口家產亦立限兩月自該省起解其解送人役亦定行程限期違者題叅若官員將應解人犯錯解別處者罰俸六月○又題准凡叛逆人犯及斬絞流徒笞杖等犯原解未交之先途路脫逃者皆將原地方該管各官議處其起解之犯已經交與該府州縣脫逃者原地方官免議將承接府州縣該管各官議處其斬絞重犯不加肘鎖少差解役以致脫逃者降一級調用如軍流徒罪等犯不加肘鎖少差解役以致脫逃者罰俸一年

逃犯皆照案緝拏。如所差解役得重犯賄賂縱脫者。將本官照衙役犯贓失於覺察例議處。○十四年議准。官員將未經題結之軍流等犯。先行發遣者。降一級留任。○又議准。官員將軍流徒罪人犯。令人取保脫逃者。降一級調用。或該犯私回。不行查出者。罰俸一年。如笞杖人犯脫逃者。罰俸六月。再官員如給軍流人犯出關印文。或給執照者。降四級調用。○二十五年議准。凡軍流徒犯。及免死減等流犯。有祖父母父母老疾無倚。家無以次成丁者。如係大興宛平民

人該縣出結。府尹確查報部。如屬五城民人。掌印兵馬司指揮出結。巡城御史確查報部。如屬外省民人。州縣官出結。司道府官轉詳督撫。督撫確查報部。如並無年老祖父母父母而稱為有實。有以次成丁者。而稱為無。該管官不行查明。出具印結。將出結之官。降二級調用。轉詳之上司。罰俸一年。督撫罰俸六月。如有此等人犯。用財行賄。出具印結。將出結之官。革職提問。轉詳之上司。降三級調用。督撫降一級留任。兵馬司照州縣例議處。巡城御史。順天府府尹。照督

撫例議處。若地方官出結後。上司復令查出。或原官查出。據實首送者。免議。○雍正二年。議准。外省解犯。及解京與京發之犯。其情罪重大者。於批牌之上。註明此係要犯。應令官弁管押。遞送字樣。即從首先接遞處。該千總等親身押送出境交代。取收管存案。若該州縣無設防之武弁。則令吏目典史親身押送出境交代。皆於取獲收管內。註明某官某弁送交。儻有疏虞。該撫題參黜革。其尋常解犯。仍照定例選差押送。○又議准。凡奉

旨緝拏之重犯。各省督撫及地方官。務須嚴行緝拏。解部。如果所屬地方無獲。亦並無人隱藏地方官於年終申報督撫奏。

聞仍令地方官出具印結報部存案。若該地方官出具印結後。被旁人首獲。審出曾在某處隱藏某家。將出具印結之該地方官革職。知府直隸州知州降二級調用。道員罰俸一年。巡撫罰俸九月。加級紀錄不准抵銷。若該地方各官未出具印結之前。如有隱藏被旁人首告拏獲者。將該管地方官降二級調用。知府直隸州知州罰俸

一年。道員罰俸九月。巡撫罰俸六月。加級紀錄。亦不准抵銷。如該管各官知情聽其隱藏者。與罪人一例治罪。如奉

旨緝拏重犯。該地方官盡心拏獲一名者。即准加一級。○三年議准。凡有新絞重犯。州縣官已加肘鎖。多差解役。脫逃者。降一級。限一年督緝。限內全獲。准其開復。逾限不獲。照所降之級調用。至軍流徒罪等犯。如已加肘鎖。多差解役。脫逃者。罰俸六月。逃犯皆照案緝拏。○又議准。凡知府及直隸州知州。所屬州縣若山海巨盜。新絞重

犯中途脫逃有一二案者罰俸九月。三四案者罰俸一年。五六案以上者降一級限一年。催緝限內全獲。准其開復。逾限不獲。照所降之級調用。若笞杖徒流等犯。中途脫逃有一二案者罰俸三月。三四案者罰俸六月。五六案以上者住俸限一年。催緝限內全獲。准其開復。逾限不獲。降一級留任。仍照案緝拏。○又奏准發回原籍安插。並流徙充軍等犯。有在中途患病者。即著該管地方官留養醫治。內有隨行親屬病者。亦准留養。俟病痊起解。將患病日期報部。如不留

養醫治。以致病故一二名者。將該地方官罰俸一年。三四名。降一級留任。五六名以上。降二級調用。至凡解部及遞解外省人犯。中途患病。原解即報該地方官。驗明委係患病。出具印結。如取結後病斃者。其官役免議。未取患病印結。途中斃一二名者。將僉差之官。罰俸一年。三四名。降一級留任。五六名以上。降二級調用。○四年議准。滿洲蒙古漢軍之家奴。犯軍流罪者。止將本身發遣。令該督撫酌發有駐汛弁兵之處。給予兵丁為奴。若發遣處將犯人疏脫者。該管官

照軍流人犯脫逃例議處。有受賄縱放者。照主
守故縱受財律治罪。○五年議定。凡遞回原籍
交與地方官收管之犯。果無生事出境。該地方
官於每年冬底。出具印甘各結。並將遞到人犯
數目。及有無生事出境之處。一併造冊報部察
覈。若遞回人犯。該地方官不嚴行管束。致令脫
逃出境者。一名罰俸一月。二三名罰俸三月。四
名至六名罰俸六月。七名至九名罰俸九月。十
名以上者罰俸一年。仍著落該地方官勒限一
年緝拿。如逾限不獲。每一名罰俸三月。四名以

上。罰俸一年。十名以上。降一級留任。儻業已脫
逃。該地方官捏稱並未出境。或遇別處發覺。或
被旁人首告。將該地方官照溺職例革職。該管
上司知而不報。照徇庇例議處。○又題准。問擬
徒罪之犯。除順天府所屬州縣民人。仍送該府
尹衙門發配。其餘各省民人。皆遞回各該督撫
衙門。照伊原籍應發地方發配充徒。年限滿日。
交與原籍地方官安插管束。不許出境。如該地
方官管束不嚴。致令脫逃出境者。經別邑拏獲。
除將該犯照例治罪外。將該管原籍地方官。照

遯回人犯出境例議處。僅各該地方有容留潛
住者。事發將各該地方官。亦照原籍地方官例
處分。○又議定。凡犯法嘉慶五年奏
准斬絞改造後潛逃各
犯。其藏匿之窩家。除不知情者。仍照律免議外。
至若身係職官。而知情窩隱者。除革職外。仍照
本犯原罪治罪。不准折贖。至於犯罪之人。在於
所屬境內藏匿。地方官怠忽因循。不實力稽查。
或被旁人首發。或被鄰境官司拏獲。將該地方
官降一級留任。如有屬官藏匿罪人。該管上司
不行查出揭發。該管上司。亦照此例議處。○六

年議准民間詞訟不於犯事地方呈告則原告
易駕虛詞而關提質審被告又易於抗延支飾
嗣後戶婚田土錢債鬪毆賭博等細事必令於
犯事地方告理不得於原告所住之州縣呈告
原籍之官亦概不得濫准行關彼處之官亦不
得據關文即為拘發違者將該地方官詳參濫
准行關者罰俸一年據關拘發者罰俸六月如
有於犯事之地方官處告准關提質審而彼處
地方官匿犯不解者照徇庇例降三級調用○
又議准州縣遞解人犯點解之後或私行雇替

或解役短少。該管官皆不能覺察。直待人犯脫逃而後。嚴叅究審。已屬無及。嗣後遞解人犯。解到之州縣。務將解差點驗。如人數不足。或有雇替情弊。即令就近究明懲治。儻解到之州縣。瞻徇鄰封情面。不行究懲。或解至伊境內失囚。與僉差不慎。少差解役之員。一併叅處。著落緝拏。如起解地方官袒護衙役。因解到之州縣。懲責其差。遂含怨致怒於鄰封者。該督撫察訪有據。即指名題叅。將袒護之員。照徇庇例降三級調用。○又議准。凡發遣人犯。酌定名數。分起解送。

如案內人犯衆多至五名以上者每五名作一起。先後解送。至起解時務必嚴加鎖靠。儻解役人等受賄開放。若轉解之該地方官因前途未曾鎖靠。不復稽查。聽其散行。將該地方官與前途未曾鎖靠官。皆按罪犯輕重。照不加肘鎖脫逃例。分別議處。如解犯於經過處所辱官詐賄生事不法。州縣官隱匿不報者。降二級調用。該管各上司未經查出者。罰俸一年。若地方官已經申報。而該管司道府不行揭報。督撫不行題叅者。將該管司道府降二級調用。督撫降一級。

調用其申報之州縣官免議。○又議定凡軍流人犯單身逃遁者該管各官仍照例處分外如攜帶妻子脫逃者初叅將該管官罰俸一年兼轄官罰俸六月皆勒限一年緝拏不行稽查之知府同知等官罰俸三月限滿不獲將該管官降一級留任緝獲之日准其開復兼轄官罰俸一年。○七年議准凡外省官員解送犯人到部限十日內給發批迴儻於限內不行查收及不給發批迴者該堂官即行題叅將該司官照逾限例議處。○又議准凡律載應流之犯內如詐

為

制書詐傳

詔旨偽造印信謀反叛逆強盜私鹽及左道妖言妄
言煽惑商漁船夾帶違禁物件謀殺出使官吏
漏洩機密事情採生折割毒藥殺人以藥迷入
各等案內流犯皆屬情罪重大在配所脫逃者
該管官及兼轄官除初叅二叅仍照原定例議
處外於二叅限滿之後再限一年緝拏限滿不
獲係單身脫逃之犯該管官二叅罰俸一年者
三叅即降一級留任緝獲之日准其開復兼轄

官。三。叅。罰。俸。六。月。者。三。叅。即。罰。俸。一。年。係。攜。帶。妻。子。脫。逃。之。犯。該。管。官。二。叅。降。一。級。留。任。者。三。叅。即。降。一。級。調。用。未。獲。逃。犯。交。與。接。任。官。照。案。緝。拏。兼。轄。官。三。叅。罰。俸。一。年。者。三。叅。即。降。一。級。留。任。緝。獲。之。日。准。其。開。復。再。此。等。重。犯。自。配。所。脫。逃。或。私。回。原。籍。或。仍。匿。發。遣。地。方。其。各。該。地。方。官。原。有。緝。拏。之。責。按。限。緝。獲。止。應。免。其。處。分。至。鄰。境。各。官。果。能。盡。心。協。捕。應。予。議。敘。以。示。鼓勵。嗣。後。重。罪。流。犯。脫。逃。於。鄰。境。經。過。之。處。及。潛。匿。之。處。各。該。地。方。官。將。單。身。脫。逃。之。犯。盤。獲。者。

每一名紀錄一次。將攜帶妻子脫逃之犯全獲者。每一起紀錄一次。其餘別項流犯脫逃。該管各官並原籍地方官。仍照定例遵行。○又議定。凡充發煙瘴之軍流人犯。於解送之時。安插之所。犯人不。服拘管。或因約束過嚴。以致輕生斃命者。該督撫查明。果無凌虐逼勒致死情弊。取具印甘各結。將地方官吏人等。概行免議。如此等充發煙瘴軍流人犯。於經過州縣及安插地方。有妄行不法等事。州縣官徇情故縱。隱匿不報者。降二級調用。或有疏防脫逃者。將該管官

降一級留任限一年緝拏限內拏獲准其開復逾限不獲卽照所降之級調用未獲逃犯交與接任官照案緝拏○又議准隔屬提拏贓盜及命案內斬絞重犯而彼處地方官膜視隔屬重案鄉地鄰保袒護本地方民人以致姦徒得以肆行劫奪許提拏之地方官據實詳明督撫將縱劫之該地方官題參解任俟此案獲犯審明題結之時將解任之員出具考語咨部引

見請

旨開復如在隔省亦卽詳明本省督撫移咨彼省督

撫會疏題參將縱劫之地方官摘印解任俟此案人犯既獲審明題結之日方准將解任之員出具考語咨部引

見請

旨開復。至於隔屬本無搶犯情弊而捕役賄縱捏稱被劫者除捕役照例治罪外其誤聽捕役捏稟以致將隔屬官詳揭題參者審明之日將原參之官即行開復將誤聽捕役之員照誤揭例降二級調用。○又議准各處免死減等發遣人犯從發遣處逃回其容留居住之房主係官革職

不行查拏之州縣官。降一級罰俸一年。該管知府直隸州知州。各罰俸一年。五城正指揮。照知府議處。副指揮。照州縣官議處。○又議准。凡盜案內。地方官有向隔屬當舖起贓。當舖或支飾不認。或匿贓先勒當本。其該管官袒護當舖。不即起出移解。以致盜案遲延。許承審官詳明該督撫。將袒護之地方官題參。照徇庇例降三級調用。隔省者咨會題參。亦照此例議處。○十三年議准。凡軍流人犯到配。交地方官收領。令府廳嚴行稽查。如有乘間脫逃者。

嘉慶五年奏准一名單身脫逃

或二名同日
單身脫逃
初案將專管官罰俸六月兼轄官

罰俸三月皆限一年緝拏不行稽查之府廳罰

俸三月限滿不獲專管官罰俸一年兼轄官罰

俸六月軍犯飭發該衛著係其出具收管之員即為專管官至管轄衛所之府廳若衛

所已有兼轄官則府廳照統轄官例處分若知府係兼轄之員則知府已照兼轄官例議以罰

俸限緝其失於覺察之處例不重複議處處毋庸再議止將該統轄廳員照例議處至軍

流人犯到配除專管官不時稽查外仍令該印

官每月將人犯點驗二次並造具年貌籍貫冊

結呈報府廳稽覈如該印官不行點驗以致脫

逃者將該印官罰俸一年若軍流人犯在配日

久。或交通官弁。生事不法。賄囑官吏。潛逃無蹤。
該府廳據實查報。止將州縣官分別叅處。該府
廳免其覈叅。若該府廳漫無覺察。照失於覺察
例。罰俸一年。並將任其交通之州縣等官。照徇
情例。降二級調用。○又議准。凡徒犯到配。發驛
收管。仍令該印官不時稽查。儻該驛官將徒犯
私自役使。印官即據實詳叅。將驛官罰俸九月。
至如徒犯脫逃。嘉慶五年奏准。四初叅將專管
名以下同日脫逃。官罰俸六月。兼轄官罰俸三月。皆限一年緝拏。
限滿不獲。專管官罰俸一年。兼轄官罰俸六月。

有驛丞者以該驛丞為專管知縣為兼轄若該
縣無驛丞係知縣管理者以該知縣為專管知
府為兼轄至該驛原有驛丞或因事故離任該
縣知縣暫行兼管遇有疏脫將該縣知縣照一
人兼兩任例就一任處分其兼轄職名毋庸開
參再屬府轄之該驛丞應以知府為兼轄其知
縣職名亦毋庸開報若徒犯倩人替代私自回籍該驛丞
受其賄囑私行縱放將該驛官革職治罪該印
官覺察詳報者免議若並無覺察將該印官罰
俸一年○乾隆元年覆准軍流人犯之妻如有
患病留養本犯先行發遣者其妻於病痊日補
解時許親屬隨行以免中途凌辱等弊再軍流
人犯之妻如有年逾六十以上本屬老病不能

隨行及患病遂成篤廢不能補解者仍取具鄰族甘結該地方官勘驗明白加具印結將不能隨行及篤廢不能補解緣由申詳該上司應行報部者報部查覈行文本犯遣所俾令知之儻有捏飾情弊將具結之親族里鄰照例治罪犯妻立即補解其不行詳查出結轉詳之地方官照誑報出結例降二級調用轉詳之上司罰俸一年○又覆准各屬應拏人犯若果文武同心速行差緝罪犯自難越境潛蹤嗣後一應緝捕事務如文員先行訪知即移會武弁或武弁先

行訪知。即移會文員。皆各遴選兵役。合力協拏。不得推諉。如文員已移會武弁。而武弁不即差兵協拏。或武弁已移會文員。而文員不即差役協拏者。皆照遲延推諉例議處。至如鄰邑他省沿邊沿海通緝人犯。如於文到之後。以隔屬歧視。文員不移會武弁協拏者。照申報盜案互相推諉例降一級調用。或武弁不移會文員協拏者。亦照此例議處。再文武官弁。不行移會協拏。既定有議處。如能實力緝獲。亦當量予議敘。如鄰邑官弁。接到關文之後。即能緝獲罪犯。並他

省沿邊沿海官弁於文到之後果能盤獲匪犯者皆照拏獲鄰境盜犯例每案二名紀錄一次再兵役人等乘緝獲人犯最易藉端滋事儻有妄指平民騷擾索詐以及賄縱者依律從重治罪外其失察徇庇之該管官如係知情故縱縱役貪贓例革職若失於覺察仍照失察衙役犯贓例議處○三年議准隔省關提人犯以文到日為始限四箇月拏解鄰封關提人犯限文到二十日拏解如無故逾限不發該地方官照事件遲延例逾限不及一月者罰俸三月逾限

一月以上者罰俸一年。聽信地保差役捏稱並無其人。並久經外出。以空文回覆。不發人犯者。

該地方官照匿犯不解例。降三級調用。嘉慶五年奏准

不能查出。係尋常案犯。罰俸六月。係命盜等項

重犯。罰俸一年。或現有其人。地方官故意不肯

發人者。係尋常案犯。罰俸一年。係命盜等項

盜重犯。照匿犯不解例。降三級調用。○四年奏

准。凡遞回原籍無罪之人。途路脫逃者。將僉差

之員。罰俸三月。○五年奏准。凡軍流徒罪人犯。

在配脫逃。有數案人犯。同日脫逃者。乾隆三十七年奏准

軍流二名以上。徒罪四名以下。脫逃雖有數人。地方官失於防

範。實係一次。應併案察議。至一案內數人分為

數目前後脫逃者。脫逃日期既有不同。地方官失於防範。亦有數次。按其脫逃次數。計案議處。○又奏准。番役拘拏罪犯。雖無私拷情弊。但不將該犯即行送官。或關禁在廟。或鎖繫在家。私自取供。後送本官者。將私拷取供之番役。照例治罪。如該管官不行查究。將該管官照失於覺察例。罰俸一年。○六年覆准。凡各衙門有差票事竣。即宜查銷。如差票不銷。以致衙役持票。恐嚇鄉民犯賊者。將該管官照失察衙役犯賊例處分。○又議准。凡在京問擬笞杖枷責。解回原

籍人犯應令該地方官安插之後加意稽查管束。毋許出境生事。如有復逃來京者。除初次二次。本犯仍遞回原籍安插。免其治罪。該地方官免其查叅外。其復逃來京。至三次以上。怙終不悛之犯。拏獲之日。雖審無犯案。亦按其原犯情罪之輕重。分別懲責。仍遞回原籍。交與該地方官管束。如再犯案。從重歸結。所有疏縱三次來京之地方官。照遞回人犯出境例。分別議處。○八年覆准。凡軍流人犯。除未經起解者。六月照例停遣外。已解至中途。如遇六月盛暑之時。沿

途州縣。即照例停遣。不得遣令前往。如到配將近。及單身人犯。自願前進者。令該州縣訊取確供。知會前途。一例接遞。仍將該犯不願停遣緣由。報部察覈。○十年覆准。凡外省罪應徒者。除抵籍不遠。即遇隆冬盛暑。仍行遞解外。其離原籍一千里以上者。亦照軍流之例。未經起解者。概行停解。若已至中途。初冬十月。經過地方。照常接遞。至十一月初一日。一例停解。俟次年春融再遞。如已將至原籍。訊明本犯情願前進者。轉移前途州縣接遞。六月盛暑之時。亦准留養。

僮地方官違例發解沿途州縣濫行接遞者皆
照應留人犯違例發遣例罰俸六月。○十三年
議准地方官並營衛武職拏獲鄰境逃犯如係
軍流罪犯單身脫逃者每一名紀錄一次攜帶
妻子脫逃之犯全獲者每一起紀錄一次其拏
獲脫逃徒犯者二名紀錄一次准其前後接算
聲明議敘。乾隆三十年奏准其拏獲發往巴里
坤種地及新疆改遣人犯脫逃者亦
照此例分別議敘。○又覆准軍流人犯到配若派撥州
縣等衙門充當夫役者遇有脫逃事故止將本
管官劾叅議處初叅罰俸六月二叅罰俸一年

該兼統各官毋庸開送。至奉天徒犯分撥州縣衙門充當夫役脫逃者亦照此例辦理。○十四年議准五城命盜重案除未經到案脫逃仍照定例議處外如已經拏獲到案不行羈禁擅行發保未經脫逃者將該司坊官罰俸一年因而脫逃者降一級留任限一年緝拏限內拏獲准其開復限滿不獲照所降之級調用逃犯交與接任官勒限一年緝拏能於限內拏獲者准其紀錄一次限滿不獲罰俸一年逃犯照案緝拏如別城及鄰邑地方官有能拏獲此等逃犯者

每一名准其紀錄一次。○二十四年覆准軍流徒罪及解回發落管束之犯均於批解長文內載敘事由並開明該犯年貌疤痕箕斗以備查覈如不行開載罰俸九月。接解地方官不行查出即行轉解罰俸三月。至中途有賄差頂替等事者將僉差之員照失察衙役犯贓例議處。如原解地方已經開載仍有賄差情弊轉解官不行查出罰俸六月。○又覆准在配軍流徒犯行竊為匪該管官自行查拏者免議如失於查拏別經發覺者每名將專管官罰俸一年兼轄官

免議。如行兇滋事致釀人命者。專管官降一級調用。兼轄官罰俸一年。○二十八年覆准。軍流在配脫逃。本籍地方官於咨緝文到之日。即傳該犯親屬鄰保人等。逐一詢問根究下落。如果未經回籍。即取具甘結。咨送刑部。及配所省分存案。仍令親屬鄰保。如取結後回籍。即稟官拏究。地方官仍不時偵緝。一經回籍。自行拏獲者。免其議處。別經發覺者。即將取結之地方官降二級調用。如該犯逃回於未經咨緝之先。及逃回於取結。地方官離任之後者。將失察之員。罰

俸一年。○二十九年覆准直省所屬有並無監獄處所。遇有解犯到境。務令該管官即行接收。多撥兵役。於店內嚴加看守。毋致疏虞。如有藉詞推諉。不收人犯。僅令原役看守。致犯脫逃者。該督撫即行嚴叅。將該地方官照不應重私罪律降三級調用。雖有加級紀錄。不准抵銷。該管上司降二級留任。尋改將該地方官照不加用。缺少差解役以致脫逃例議處。○三十年奏准軍流徒犯及安插為民人犯脫逃隱匿不報者。將配所該管官初叅降二級留任。限一年緝拏。限內拏獲。准其開復。如限滿

不獲照所降之級調用。該管道府容隱不舉。該督撫將該道府一併照此例叅處。○又奏准凡係奉

旨緝捕關係緊要人犯。該管衙門即行文八旗步軍統領及五城察院轉行所屬地方嚴行緝拏。並牌行附京之涿州等處一體盤緝。限一月緝獲。限內拏獲者免議。如限內不獲。俱降一級調用。仍令接管官照案緝拏。若於一月之內。經管各官及該管上司大臣自行拏獲。毋庸議敘。係他人拏獲。將拏獲之員。每一名紀錄二次。在一月

之外者。每一名紀錄一次。如拏獲之犯。審出在何地藏匿。不知情者。將該地方官降一級留任。如係知情容隱者。將該地方官革職。該管上司降二級調用。○又奏准旗民同處地方。有命盜違賭重犯。訪知確實。不論旗民。一面行文開會。一面差役持票徑行拘拏。該旗民官員。不即添差協拏。致使姦匪遠遁。許令通揭。該上司會同將該管官降三級調用。若非命盜造賭緊要重情。並無的實證據者。旗民官員。仍知會拘審。不得令差役徑行拘拏。違者照濫准行關例罰俸。

一年致差役擾害地方者照生事擾民例分別
議處○又奏准誘拐等犯勒限六箇月緝拏逾
限不獲將該地方官罰俸一年人犯照案緝拏
○又奏准番役拏解人犯屬提督管轄者限即
日送該管營弁轉送提督衙門屬巡城御史管
轄者亦限即日送該管官轉送該御史衙門審
訊僮番役人等將拏獲人犯鎖繫羈留不即送
官拷逼勒索私行取供該管官自行查究者免
議如不行查究別經發覺者照失察捕役誣竊
為盜例分別致死未致死議處如有得財縱放

照失察衙役犯賊例議處。如止私行取供。並無拷逼勒索等弊者。罰俸一年。○又奏准。凡各省府州縣所屬大小案內人犯。如有竄入鄰境一面差役執持印票往拏。一面移文關會。添差協緝。儻該地方官明知逃匿鄰境。以非其管轄。不急往拏。及鄰境之該管官。不行協緝者。係命盜等項重犯。均降三級調用。係逃竊窩賭窩娼等項尋常案犯。均罰俸一年。○三十三年奏准。新疆改發內地遣犯。如係攜帶妻子脫逃者。初犯。專管官降二級留任。兼轄官降職二級。俱限一

年緝拏不行巡查之府廳罰俸一年。道員罰俸九月。限滿不獲。專管官照所降之級調用。兼轄官照所降之級留任。拏獲之日。准其開復。不獲。照例扣限開復。逃犯照案緝拏。如係單身脫逃者。初參。專管官降一級留任。兼轄官罰俸一年。俱限一年緝拏。不行巡查之府廳。罰俸六月。道員罰俸三月。限滿不獲。專管官照所降之級調用。兼轄官降一級留任。拏獲之日。准其開復。不獲。照例扣限開復。逃犯照案緝拏。如專管官係無級可降之員。仍照例查詢居官。居官平常者。

即行革職居官好者改為革職留任於正限滿後再限一年緝拏限滿不獲罰俸一年仍限一年緝拏再限不獲再罰俸一年逃案照案緝拏拏獲之日准其開復革職留任處分不獲照例扣限開復如前官已經離任即將接任之員照此按限叅處○又

諭積匪猾賊本條免死改發內地之犯乃該州縣等既不能嚴密周防於先復不能密速追拏於後致多犯久稽弋獲豈疏縱常犯可比皆由向來督撫等僅沿常例查叅直至四叅不獲始行分別降調以致地方

有司不知儆惕事理實為未協嗣後各省疏脫遺犯如有逃逸多人逾限不獲者其知縣等官均按依限躬從重處欽此遵

旨議定改遣人犯同日脫逃至五六名者該管官革職留任。獲罪勒限一年緝拿全獲開復。逾限一名不獲降二級調用。二名不獲降三級調用。三名不獲即行革職。又覆准軍流人犯同日脫逃至三名以上初參專管官罰俸一年兼轄官罰俸六月俱限一年緝拿限滿不獲專管官降一級留任。拿獲之日准其開復不獲照例扣限開

復兼轄官罰俸一年。逃犯照案緝拏。脫逃至六
名以上者。初來專管官罰俸一年。兼轄官罰俸
六月。俱限一年緝拏。限滿不獲。專管官降一級
留任。兼轄官罰俸一年。仍限一年緝拏。限滿不
獲。專管官照所降之級調用。逃犯交與接任官
照案緝拏。兼轄官降一級留任。府州廳員均仍
照前例議處。如專兼各官疏脫三名六名以上
於限內拏獲數名。未能全獲者。仍按其未獲名
數分別議處。如二名限滿未獲在二名以下專
管官照二名同日脫逃二名之例
罰俸一年。○三十四年奏准。徒犯同日脫逃至
餘仿此

五名以上。初來專管官罰俸一年。兼轄官罰俸六月。俱限一年緝拏。限滿不獲。專管官降一級留任。拏獲之日。准其開復。不獲。照例扣限開復。兼轄官罰俸一年。逃犯照案緝拏。脫逃至十名以上。初來專管官罰俸一年。兼轄官罰俸六月。俱限一年緝拏。限滿不獲。專管官降一級留任。兼轄官罰俸一年。仍限一年緝拏。限滿不獲。專管官照所降之級調用。逃犯交與接任官照案緝拏。兼轄官降一級留任。拏獲之日。准其開復。不獲。照例扣限開復。如專兼各官疏脫五名十

名以上於限內拏獲數名未能全獲者展來限

滿按其未獲名數分別議處

如二名限滿未獲在四名以上專管

官照四名同日脫逃二名之例罰俸一年餘仿此

○又覆准各省遇有

緊要官犯等類務擇現任文武員弁派委押解

其試用效力者概不得派委如有違例濫派以

致疏失者除押解之員按照律例分別議罪外

將原委之上司降一級調用無有疏失者罰俸

一年○三十六年覆准新疆改發內地遣犯逃

回原籍居住別經發覺查明原籍曾經奉文密

緝者無論已未詳覆將原籍地方官降二級調

用。未經奉文密緝者。原籍地方官降二級留任。其原籍接緝之地方官。如有失察逃回原籍者。於應得降調降留處分外。再照從前未獲年分。初限二限各罰俸一年。若在別處追遯一二名。在半月以上者。失察之地方官降一級留任。追遯在三名以上者。失察在半月以上者。降二級留任。一月以上者。降二級調用。○又覆准拏獲新疆改遣逃犯至六名以上者。並無本境逃犯未獲。照拏獲鄰境劫掠大案之例。該督撫奏請送

部引

見。如有本境改遣逃犯未獲之案。停其送部。照例議
敘。係前官任內未獲逃遣。仍准奏請送部引

見。○四十五年奏准。凡地方官因事累民。以致民情
不服。聚眾毆差者。將地方官嚴參究治外。係應
行緝拏之案。兇徒恃眾。闖關奪犯。毆差。未能即
時擒獲。將該地方官。即照盜案例題參疏防。未
獲人犯。按限叅處。僅有諱匿。亦即照諱盜例議
處。○又

諭。嗣後發遣伊犁烏魯木齊等處脫逃人犯。務須上緊
查拏。儻不實力嚴緝。一經別處拏獲。究出經過地方

之官員俱行治罪外。其各該管上司一併交部議處。仍將此等在逃人犯共有若干。拏獲正法者若干。未經拏獲者尚有若干之處。該大臣等於年終查明彙奏。○五十六年議准。各省年終彙奏逃遣人犯。將未獲名數分析聲明。承緝接緝各官。照兇首盜首之例。一二名不獲。罰俸六月。三四名不獲。罰俸九月。五六名以上不獲。罰俸一年。再限一年緝拏。限滿不獲。仍照此例。按其未獲名數分別議處。逃犯照案緝拏。道府同知通判直隸州等官。總計所屬地方。獲不及半者。罰俸六月。如承緝

官本身不致離任者。仍按年彙題。○又

諭。嗣後拏獲逃遣人犯。審明係由何省行走。即將沿途所過省分按察使一併議處。庶各省按察使知有處分。留心緝拏要犯。欽此遵

旨議定。拏獲各省逃遣。訊明經由何省。將沿途所過省分之按察使。罰俸六月。○嘉慶四年奏准。決不待時重犯。中途脫逃。係少差解役。未加肘鎖者。該管將該管官革職。係多差解役。已加肘鎖者。該管官革職留任。限一年緝拏。限內拏獲。准其開復。不獲。即行革任。斬絞監候重犯。中途脫逃。係少

差解役未加肘鎖者該管官降一級調用。係多
差解役已加肘鎖者該管官降一級留任。限一
年緝拏限內拏獲准其開復不獲照所降之級
調用。發遣新疆等人犯中途脫逃係少差解役
未加肘鎖者該管官降一級留任。限一年緝拏
限內拏獲准其開復不獲照所降之級調用。係
多差解役已加肘鎖者該管官降職一級。限一
年緝拏限內拏獲准其開復不獲照所降之級
留任。逃犯照案緝拏軍流以下人犯中途脫逃
係少差解役未加肘鎖者該管官罰俸一年。係

多差解役已加肘鎖者該管官罰俸六月逃犯俱照案緝拏○又奏准凡該管知府直隸州遇所屬州縣有決不待時重犯中途脫逃州縣官例應革職者府州降一級調用司道降一級留任督撫罰俸一年係斬絞重犯州縣官例應革職留任府州降一級留任限一年督緝限內拏獲准其開復不獲照所降之級調用司道罰俸一年督撫罰俸六月係新疆改遣人犯府州罰俸一年司道罰俸六月督撫免議係尋常軍流以下人犯府州罰俸三月道員免議如屬員於

限內獲犯。例得開復。該管上司一體開復職名。尚未送部者。即予免議。○又奏准各省秋審發回監候。及他省遞解人犯。如係斬絞重犯。少差解役。不加肘鎖。以致自盡者。該管州縣及僉差不慎之營員。降一級調用。係多差解役。已加肘鎖。該犯倉猝自盡者。降一級留任。軍流徒罪。少差解役。不加肘鎖。以致自盡者。降一級留任。多差解役。已加肘鎖。竟致自盡者。罰俸一年。其遞至中途寄監自盡者。將該州縣有獄管獄官。照監犯自盡例議處。原解之員免議。若在村莊坊

店歇宿自盡者止將原解之員分別議處。原解之員

應降調者添解之員減為降解原解之員應降

留春添解之員減為罰俸原解之員應罰俸一

年春添解之員其有在途倉猝跌斃溺斃者照

減為罰俸六月監斃例議處。○又奏准改遣以上人犯中途脫

逃承緝官未經限滿離任者逃犯交與接任官

限一年緝拏限滿不獲罰俸一年再限一年緝

拏不獲再罰俸一年逃犯照案緝拏。○又奏准

解役與犯同逃者亦照各項罪犯脫逃之例一

體限緝議處如所差解役得受賄賂縱逃者照

失察衙役犯贓例議處。○又奏准凡各項起解

人犯遞至鄰境未交之先途路脫逃者鄰境地
方官免議將原僉差地方官議處已交之後脫
逃者原僉差地方官免議將鄰境之地方官議
處○五年奏准各項逃犯逗遛不及半月者地
方官免議○又奏准軍流等犯遇

赦減等發落未准部覆即行脫逃刑部議以不准免
緝者疏脫之專管官罰俸六月兼轄官罰俸三
月府廳免議○又奏准官員將應擬徒罪人犯
令人取保脫逃者罰俸六月○又奏准軍流人
犯負罪潛逃逗遛在境失察之地方官罰俸六

月○又奏准解役將文批遺失銷毀者。僉差官
罰俸六月○七年奏准凡問發新疆及由新疆
改發內地各遣犯中途配所脫逃並逃回原籍
及逗遛在境拏獲之日例應正法者。僉差護解
各官該管上司及專兼各官失察之道府廳員
並地方官均照新疆人犯脫逃之例辦理其遣
犯拏獲之日僅止調發枷號杖責例不正法者
應議各官均照尋常軍流遣犯脫逃之例辦理
○又奏准凡拏獲鄰境問發新疆及由新疆改
發內地遣犯不論越獄中途配所脫逃例不正

法者照拏獲軍流罪犯例分別起數名數議敘如係例應正法之犯拏獲至六名以上者仍准送部引

見其未及六名者照緝拏重犯例每一名准其加一級如例不正法之犯即獲至六名以上不准奏請引

見○十八年奉

旨直省州縣各有疆界定例拘傳鄰境人犯必關移本地方官票傳移解原以杜冒名妄拏擾害平民之弊若案關重大如現在緝拏逆犯自應量為變通免致

稽遲時日。漏洩風聲。嗣後如查拏逆案要犯。鄰縣躡明住址。准其選派幹役。就近連往掩捕。仍密具文移。另派妥役。關會本邑地方官。並免其不及協拏處分。庶冒充延閣之弊。可以悉除。其尋常命盜戶婚田土案件。關提人犯。仍著照舊例行。○二十七年奏准。決不待時重犯。中途脫逃。係少差解役。未加肘鎖者。該管官革職。留任限一年緝拏。限內獲犯。准其開復。不獲。即行革任。斬絞監候重犯。中途脫逃。係少差解役。未加肘鎖。疏脫一名者。該管官降一級。

調用二三名者降二級調用四五名以上者降
三級調用係多差解役已加肘鎮疏脫一名者
該管官降一級留任二三名者降二級留任四
五名以上者降三級留任俱限一年緝拏限內
拏獲准其開復不獲照所降之級調用○又奏
准發遣新疆等處重犯此指脫逃拏獲例
應正法者而言中途
脫逃係少差解役未加肘鎮疏脫一名者該管
官降一級留任二三名者降二級留任四五名
以上者降三級留任俱限一年緝拏限內拏獲
准其開復不獲照所降之級調用係多差解役

已加肘鎖疏脫一名者。該管官罰俸一年。二三名者。罰俸二年。四五名以上者。降一級留任。俱限一年緝拏。限滿不獲。原議罰俸一年者。降一級留任。罰俸二年者。降二級留任。降一級留任者。降三級留任。逃犯照案緝拏。○又奏准尋常遣罪及軍流以下人犯中途脫逃。係少差解役未加肘鎖。疏脫一名者。該管官罰俸一年。二三名者。罰俸二年。四五名以上者。降一級留任。係多差解役。已加肘鎖。疏脫一名者。該管官罰俸六月。二三名者。罰俸一年。四五名以上者。罰俸

二年逃犯照案緝拏。○又奏准遞回原籍收管之人。中途疏脫一名者。該管官罰俸三月。二三名者。罰俸六月。四、五名以上者。罰俸一年。○又奏准。該管上司遇所屬解犯脫逃之案。州縣官應革職者。府州降一級調用。道員降一級留任。臬司罰俸一年。督撫罰俸六月。州縣官應革職留任者。府州降一級留任。限一年督緝。限內拏獲。准其開復。不獲。照所降之級調用。道員罰俸一年。臬司罰俸六月。督撫罰俸三月。州縣官應降調者。府州降一級留任。道員罰俸一年。臬司

罰俸六月。州縣官應降留者。府州罰俸一年。道

員罰俸六月。臬司罰俸三月。州縣官應罰俸一

年者。府州罰俸三月。州縣官應罰俸六月者。府

州罰俸一月。

光緒十二年奏准。參劾州縣官應罰俸二年者。府州罰俸六月。道員

三罰俸如屬員於限內獲犯。例得開復。其上司應

得處分。亦一體准其開復。若職名尚未送部。即

予寬免。○又奏准。各州縣於遞回收管流民。如

有復行脫逃出邊滋事者。一名罰俸六月。二三

名罰俸一年。四名至六名罰俸二年。七名至九

名。降一級留任。十名以上。降二級留任。其出邊

後失察在境潛住地方官亦照此例議處仍著
落原籍地方官勒限一年緝拏逾限不獲一名
罰俸二年四名以上降二級留任十名以上降
三級留任逃後不行申報罰俸二年若遞回收
管後僅止出境並未復行出邊滋事者仍照失
察尋常遞回收管人犯出境例議處

欽定大清會典事例卷一百二十五

吏部

處分例

命案檢驗

命案緝兇

命案檢驗○康熙九年題准凡檢屍官員聽信
仵作有傷報稱無傷或將打砍傷痕報稱跌磕
傷者降二級調用轉詳之上司罰俸一年如
上司批令復驗竟不復檢將傷痕不行全報者降
一級調用○十四年議准凡檢屍毋得三檢如
違例三檢者罰俸一年○二十五年議准委令
武職典史等官檢屍者將委令之上司降一級

留任。○又議凡命案實係毆傷致死而捏報傷風及因他病死者承問府州縣官降一級調用。司道罰俸一年。督撫罰俸六月。○雍正三年奏准凡人命呈報到官該地方官立即親往相驗止許隨帶伴作一名刑書一名皂隸二名一切夫馬飯食均自行備用並嚴禁書役人等不許需索分文。如果係輕生自盡毆非重傷者即於屍場審明定案將原被鄰證人等釋放如該地方印官不行自備夫馬取之地方者照因公科斂律議處書役需索者照例計贓分別治罪。

如故意遲延。於累照易結不結。例處分。○七年
議准。嗣後在京五城內外地方。遇有命案。如係
民地總甲呈報。如係該地領催呈報。僅遲延不
報。別經發覺。將應管之領催總甲。照律治罪。如
已報而佐領兵馬司互相推諉。查明地界。將該
管官照推諉事件例議處。○又議准。凡控告人
命。如有誣告情弊。將誣告人照律治罪。不得聽
其自行攔息。其間或有一時誤聽人言情急妄
告。於未經驗屍之先。盡吐實情。自願認罪。呈辭
求息者。則是已知悔過。應予以自新之路。訊明

該犯果無賄和等情。照例定擬完結。如有教唆情弊。將教唆之人。照律治罪。該地方官有徇私賄縱者。該督撫題參。照故出人罪例分別議處。○又議准按律內檢驗屍傷。若牒到不即檢驗。致令屍變者。將該地方官降一級調用。如鄰邑代驗遲延。亦照此例行。凡州縣官如遇鄰邑佐貳移請代驗人命。將接文及起程時刻。於代驗通報文內聲明。據報人命之佐貳官。亦一面移請鄰邑州縣官相驗。一面將移請代驗情由報明該管府州查覈。如鄰邑之州縣官並無別故。

巧為諉卸。不往相驗者。經上司查出。將鄰邑之州縣官。照不應重律。降三級調用。如鄰邑之州縣官。實在患病。並有緊要事務。不能前往代驗者。該州縣。出具確實印結。並取同城官不致扶同捏結。通報上司存案。如有虛捏。將扶同出結之同城官。照徇情創降二級調用。○乾隆元年。議准。凡人命呈報到官。如正印官公出。本邑與鄰邑壤地相距不過五六十里。而鄰邑印官未經公出者。即申報鄰邑印官代往相驗。其或鄰邑地處遙遠。不能朝發夕至。或印官又經他往。

勢難兼顧者。即派委佐貳代驗。仍聽正印官審理。而代驗之員。必係同知通判州同州判縣丞等官。毋得濫委雜職。仍令該督撫飭令代驗各員相驗時。必須稽查嚴密。詳細驗看。初供傷痕。毋許草率蒙混。苟且塞責。其有日後復將屍傷詳請覆檢。若檢出別情。與初驗傷痕不符。將代驗官照檢驗不實例。分別議處。○又覆准。凡關毆重傷之人。除附近城郭。以及事簡州縣。可以往驗者。仍令正印官親詣驗看外。其離城寫遠之區。及繁冗州縣。實係不能逐起親驗者。應委

佐貳捕巡等官速往據實驗報仍聽州縣定限

保辜。僅佐貳捕巡等官驗報不實。照例議處。乾隆

三十年改照檢驗不確例議處如州縣官實能往驗而怠弛推

諉。概委之佐貳捕巡等官。致滋擾累。捏飾等弊。

者。仍照定例議處。乾隆三十年改為降一級調用○六年覆准

人命案件。該州縣官不立即親詣相驗。故意遲

延。致滋擾累者。該管知府。司道督撫不行揭報。

題。叅將該管知府降一級調用。司道罰俸一年。

督撫罰俸六月。○七年奏准。凡人命案內有致

命傷痕。有不致命傷痕。或將致命傷痕報出。不

致命傷痕遺漏未報再或奉傷報稱踢傷木器傷報稱鐵器傷之類罪無出入者罰俸一年○十二年覆准黔省所屬有原無佐貳及雖有佐貳而府廳州縣並不同城者儘印官公出准令經歷知事吏目典史等官酌帶諳練仵作如法相驗寫立傷單一面仍請鄰邑印官驗明填報至直省各督撫所屬州縣內並無同城佐貳及地方廣袤與黔省情形相似者亦一例酌量辦理其餘仍照定例遵行儘經歷知事吏目典史等官於初驗時略有增減後經查出即將原驗

之佐雜等官亦照檢驗不實例分別議處。○三十年議定凡人命呈報到官該地方官親往相驗一切夫馬飯食自行備用並嚴禁書役人等不許需索分文如書役需索者計贓治罪該地方官照書役犯贓例分別議處。○嘉慶五年議定凡控告人命如有誣告情弊將誣告人照律治罪不得聽其自行攔息如該地方官聽其攔息不究照失出例議處。○六年奏准命盜案件詣驗詣勘後即用印文通詳如先未通詳僅止通稟於開送職名時聲稱業經具稟及於招解

時聲明通詳者均仍按詳報遲延本例議處○
九年議准凡例應詳請委員相驗之案本員不
遵例詳請委驗並無別項情弊者照違令公罪
律罰俸九月儻有規避蒙混等情仍按其所犯
各本例議處○十一年奏准州縣官遇有詳請
開棺檢驗之案無論上司駁查與否俱准其以
開檢之日另起承審限期至接奉上司批准後
如有開檢遲延應以奉文之日起按其違限月
日照命案詳報遲延例分別議處遲延在十日
以內者免議遲延在十日以外未及一月者降

一級留任一月以上至二月以上未及三月者降二級留任三月以上者降一級調用四五月以上者降二級調用半年以上者降三級調用一年以上者革職○咸豐二年題准雲南永北廳經歷分駐舊衙坪地方如有呈報人命應令該管土司即時轉報由該經歷帶領仵作馳往相驗勒限協同嚴緝儻有相驗不實增減傷痕情弊分別照例議處如兇犯限滿無獲將該經歷照土司例開叅議處○六年奏准直省州縣於民人呈報鬪毆傷重之案無論離城寫遠事

務冗繁。如有令刑書件作前往代驗者。將州縣官降三級調用。因刑件代驗。以致輕重任情。罪名出入者。將該州縣官革職。○十年奏准。地方人命案件。州縣官於親詣相驗後。限五日內通稟。如遲至十日始行具稟者。記大過一次。十五日記大過三次。二十日照應申不申律。罰俸六月。儻有心諱匿不報。別經發覺。即照諱命例議處。其通稟通詳均應以勘驗之日起限。不推於通稟之後。再起通詳之限。若已經獲犯。延至二十日始行通稟。仍照應申不申律。罰俸六月。查

係詳報遲延。照事件遲延例議處。

命案緝兇。○康熙十五年題准。官員所屬地方有殺死人命。州縣官知情隱匿。不行申報者。革職。不知情。不行申報者。降一級留任。○二十二年議准。旗下家人莊頭等。倚勢霸占。把持衙門。或將平民打死。此等事發者。若係內務府包衣下人。將該管官降一級留任。若係王貝勒貝子公家人。將該管理家務官亦降一級留任。若係民公侯伯大臣官員家人。將各主降一級留任。公侯伯無級可降。照例罰俸一年。○四十二年

諭筆帖式等有打死家人。妄行不端之事者。著革退。○

四十七年覆准。凡遇命案。地方官從前不知不報。後即自行查出。通報將本案審明。不論年月遠近。皆免其議處。若被上司查出。或被旁人告發者。仍照官員所屬地方殺死人命。不知情不

行申報例處分。

乾隆三十年改為降一級留任。接任官不能查出。照失於查察。

例。罰俸一年。嘉慶五年。增自行查出者免議。

○四十九年覆准。命案

兇犯在逃。承緝官員。初參以六月扣限。數參將承緝官住俸。勒限一年緝拿。如限滿不獲。罰俸一年。再限一年緝拿。限滿不獲。罰俸二年。仍再

限一年緝拏。限滿不獲。降一級留任。兇犯照案緝拏。其殺人兇犯。如果隱匿本境。該管官知而容隱。不行拏究。別經發覺。將容隱之官。照知情隱匿不行申報例革職。如該管官委不知情。係地方棍徒容隱者。止將容隱之人治罪。如先雖容隱。後仍自行出首。亦准免罪。○雍正二年議定。八旗官員有奴僕違犯教令。依法決罰。倉猝致死。及過失殺者。仍照律勿論外。凡官員將奴僕非故殺。責打身死者。罰俸二年。故意毆殺奴僕者。降二級調用。持刀殺死奴僕者。革職治罪。

將伊族中家奴非故意毆打致死者降二級調用。追人一口給付死者之主。故意毆殺族中家奴者降三級調用。追人一口給付死者之主。持刀殺死族中家奴者革職治罪。○四年議准凡地方有路死人命即以離盜未明通報。自報出之日起扣限一年緝獲。乾隆十五年改爲扣限六月如逾限不獲將該地方官照緝兇不力例查叅議處。如緝獲之後審係離殺仍照例定擬。審係盜殺仍將疏防職名補叅。○五年議准凡人命除實係因病倒臥自死無傷者許地方官驗詳掩埋外。

如將受傷身死之人。作為病斃。擅自掩埋結案者。發覺之日。將該地方各官。照毆死捏報病死例議處。再有不肖官員。慮兇犯難緝。將離盜命案。竟行隱匿不報者。事發之日。將地方各官並上司。皆照諱盜諱命例議處。○七年議准。凡京城內命案。除倒臥身死無傷者。許該管官驗詳立案掩埋外。如有受傷身死無名之人。令五城大興宛平二縣該管各官。一面報部。一面緝拏。即詳開年貌服色。多張告示。招人識認。設立首報賞格。務期弋獲。按其初報到官之日。扣限一

年緝拏兇犯

乾隆十五年改
為扣限六月

如限滿不獲將承

緝之該管本地方官照緝兇不力例指叅處分
如日後查明實係盜殺仍照京城盜案例覈叅
議處若協緝接緝等官能於限內拏獲兇犯一
名者紀錄一次拏獲數多者以次遞加如被旁
人出首拏獲者給予獎賞○又議准命案內如
誣告反坐教唆假命及致死卑幼威逼自盡等
案原無抵償之犯如果情節明顯罪應軍流者
各該督撫審明發落仍將各案於年內彙題原
招送部查覈如有情節不符分析題駁令再行

確審。查有弊端。照失出失入例議處。○又議准。凡命案兇犯在逃。承緝州縣官。一面詳報上司。一面備文移知附近鄰邑。徧行訪緝。如能拏獲。別縣正兇。於審明結案後。將拏獲之鄰邑地方官。隨招附入。題請議敘。拏獲一名者。紀錄一次。二名者。紀錄二次。三名者。紀錄三次。至拏獲四名以上者。准加一級。○又議准。凡官員接緝命犯。能於一年限內。拏獲一案首犯者。紀錄一次。一案之內。首從悉行拏獲。紀錄二次。至前官任內有殺人兇犯。隱匿不報。接任各官。以到任日。

為始限三月查出揭報如逾限不能查報別經

發覺者將接任州縣官降一級留任同城知府

罰俸一年後增道員接任不同城知府在百里

以內者罰俸九月後增道員在百里以外者罰

俸六月後增道員接任直隸州知州照知府例

議處接署之官亦照此例議處未及三月者免

議○八年議准凡承緝命案之本官未經緝獲

內有升遷降調因事離任者仍按限咨叅分別

議處外其接任官命犯案件如前任官有正兇

未獲者以到任之日起限一年緝獲限滿不獲

罰俸一年。逃犯仍照案緝拏。○十三年覆准凡命案內之首犯脫逃。其承緝接緝各官。在勒緝限內。仍扣限覈叅議處。至勒緝年限已滿。照案緝拏後。該管各官不實力查緝捕獲者。令該督撫於年終彙題冊內覈叅。按其不獲名數分別議處。州縣吏目與史各官。一年內二三名不獲。罰俸六月。四五名不獲。罰俸九月。六七名以上不獲。罰俸一年。以上應行議處官員覈叅一次之後。即免其重複叅處。仍令照案緝拏。若接緝之員。果能於照案緝拏之後。年終彙題之前。拏

獲兇首者除承緝各官毋庸議敘外。將接緝之州縣吏目典史等官。按其拏獲名數。二三名以上者。紀錄一次。六七名以上者。紀錄二次。其承緝接緝各官。一年內拏獲之數。與不獲相當者。皆准其功過相抵。統令該督撫於彙題冊內。將各案情由。以及承緝年分。一年內已獲幾名。未獲幾名。並各官職名。逐一聲明。仍於貼黃內開敘。簡明總數。刑部細加查覈。會同吏部察議。○乾隆三年議准。官員故意毆死奴僕及毆死族中家奴。議以降調者。雖有加級紀錄。不准抵銷。

○七年議准凡州縣所屬地方有殺死人命州縣官知情隱匿不行申報該管上司明知屬員有諱命情弊隱匿不行揭叅者各降三級調用不知情失於覺察者同城知府降一級留任司道罰俸一年督撫罰俸六月不同城在百里以內者知府罰俸一年司道罰俸九月督撫罰俸六月百里以外者知府罰俸九月司道罰俸六月督撫罰俸三月直隸州知州照知府例處分仍令該督撫將知情與不知情並道路遠近於疏內聲明以憑照例察議州縣官不知情不行

申報者降一級留任。上司免議。○十一年覆准。凡承審命案。上司並無批駁情節者。仍令按限審解外。其有屢經駁查。方經批准。實屬遲延。有因之案。令該督撫據實聲明報部。以檢驗之日扣限起。如有假捏展限情弊。照例叅處。○二十年覆准。前官未獲兇惡盜首。接緝官三叅限滿。本身未經離任者。仍照承緝兇首盜首例入於彙題。按年覈叅。如一二名不獲。罰俸六月。三四名不獲。罰俸九月。五六名以上不獲。罰俸一年。○二十八年覆准。外省通緝兇盜等犯。各該

州縣開載該犯姓名年貌有無鬚痣造冊詳送督撫轉咨各省按照查緝如該州縣有遺漏開造者照發遣人犯漏開年貌例罰俸九月○又奏准官員毆死贖身及放出奴婢並該奴婢之子女者照毆死族中奴婢例減為降一級調用故殺者照故殺族中奴婢例降三級調用加級紀錄不准抵銷○又覆准命案內有減等發落應追埋葬銀兩之犯俱勒限三箇月將埋葬銀照數追完如審係十分貧難照例量追一半給付屍親收領或本犯尚有物產可抵即令於三

月限內速行變交。毋許藉端遲延。若限滿勘實力不能完者。一面將該犯發配。一面取具地鄰親族供結。州縣官詳請督撫覈實咨請豁免。僅豁免之後。如有資財隱匿。或經查出。或被屍親告發。將出結之地鄰人等。均照不應重律治罪。詳請之州縣官。照不行查明出結例。罰俸一年。○二十九年覆准。五城命案。司坊官照例承緝。其巡城科道。如一年之內。三案未獲。罰俸三月。五案未獲。罰俸六月。六七案以上未獲。罰俸一年。○三十年奏准。人命案內之脫逃為首兇犯。

及盜案內之脫逃盜首至勒緝年限一滿照案緝拏後該管各官不實力查緝捕獲者令該督撫於年底彙題冊內覈叅命案首犯未獲將該州縣官查叅盜首未獲將道府同知通判直隸州州同州判州縣吏目典史等官一併查叅俱按其不獲名數分別議處接緝之州縣吏目典史各官一年內二三名不獲罰俸六月四五名不獲罰俸九月六七名以上不獲罰俸一年道府同知通判直隸州州同州判各官總計所屬地方被劫案數一年內屬員將首犯名數拏獲

不能及半者。罰俸六月。以上應行議處官員。覈
叅一次之後。即免其重複議處。仍令照案緝拏。
如係承緝官四叅。本身不致離任者。仍按年彙
題一名至二三名不獲者。罰俸六月。餘照前例
處分。若接緝及督接緝各員。果能於照案緝拏
之後。年底彙題之先。拏獲兇首盜首者。將接緝
之州縣吏目。典史等官。按其拏獲名數。二三名
以上者。紀錄一次。六七名以上者。紀錄二次。督
緝督接緝之道府同知。通判。直隸州州同。州判
等官。總計所屬地方被劫案數。如能董率屬員。

拏獲過半者紀錄一次其承緝接緝督緝各員
一年內拏獲之數與不獲之數相當者俱准其
功過相抵○又奏准命盜等項雜犯案內在逃
之夥盜從犯餘黨情實重大罪該斬絞重辟者
俱以結案咨題部覆丈到日為始勒限一年緝
拏逾限不獲照承緝兇首盜首之例於年底彙
題將承緝之員覈議一二名不獲罰俸六月三
四名不獲罰俸九月五六名以上不獲罰俸一
年再限一年緝拏限滿不獲仍照此例按其未
獲名數分別議處人犯照案緝拏接緝官免議

○又奏准命犯脫逃案件如承緝官於初叅限內離任者接緝官限滿不獲罰俸一年再限一年緝拏二限不獲再罰俸一年兇犯照案緝拏若係殺死三命以上之案承緝官未屆三叅離任者接緝官限滿不獲罰俸一年再限一年緝拏二限不獲罰俸二年兇犯照案緝拏或接緝官未屆二叅復因事故離任令再接緝之官限一年緝拏限滿不獲罰俸一年兇犯照案緝拏○又奏准兇徒聚眾械鬪如係釁起一時並非豫謀聚眾者將失察之地方官免其議處其持

械肆橫豫先糾衆該地方官有心故縱者照溺
職例革職實係失於覺察不行查拏者照命案
不知不報例降一級留任如能將在場首從各
犯嚴拏全獲按律懲治者從寬免其處分若地
方官於獲犯到案時不嚴行懲治代犯開脫者
照故出人罪例議處○又覆准各省沿河州縣
遇有被傷屍身漂流過境該地方官未經撈驗
被下游收獲或別經發覺或據兇犯供出確有
實據者將未經撈驗之各州縣官照失於查察
例罰俸一年或地保人等已經呈報而該地方

官諱匿不報。照鄰邑巧為諉卸。不往相驗。例降三級調用。○三十三年。覆准卑幼擅殺期功尊長。屬下人毆殺本管官奴婢。毆殺家長。並殺死三命四命之兇犯脫逃。初叅承緝官。往俸勒限一年緝拏。限滿不獲。降一級留任。再限一年緝拏。再限不獲。即照所降之級調用。○三十七年。奏准官員將奴僕之妻妄行占奪。或圖姦僕婦。不從。毒毆致死。審明如有確據。及本土自認不諱者。革職。照例治罪。若將奴僕打死。隱匿不行報部者。革職。私用夾拶奴僕者。降一級調用。致

死者革職。用刀背打奴僕者降一級調用。加級紀錄不准抵銷。○四十五年奏准。凡地方有受傷身死無名之案。毫無失物者。照命案緝兇外。內有失物情形。及盜田野穀麥菜果無人看守。器物之案。至拒捕傷人致死者。俱照盜案題參。按限叅處。○五十九年奏准。官員祖母母妻將家奴毆打致死。及犯有過失。照官員例應罰俸者。俱照伊夫子孫品級罰俸。至伊夫子孫原有官職身故後無俸者。照伊夫子孫原官品級罰俸。交與該部追取銀兩。○嘉慶九年奏准。凡卑

幼毆打期功尊長屬下人毆打本管官奴婢毆打家長傷而未死。兇犯脫逃者。該督撫詳覈案情。如拏獲之日。罪應斬絞軍流者。將承緝官照尋常命案緝兇例。按限查叅。○道光二十五年奏准官員首先拏獲鄰境殺死本管官兇犯罪。應斬梟斬決者。照拏獲鹽梟戕斃官弁例。送部引

見。○又奏准地方官首先拏獲鄰境圖財殺死一家二命下手致命兇犯罪。應斬梟斬決者。照拏獲殺死事主盜犯例。送部引

見如僅止殺死一命者給予加二級